

毛

詩

多

識

毛詩多識卷七

長白多隆阿著

爾風

有鳴倉庚

毛傳云倉庚離黃也孔疏云倉庚一名離黃卽葛覃黃鳥是也爾雅釋鳥云倉庚商庚倉庚一作鷦鷯離一名鷦一作鷦詳見葛覃

爰求柔桑

鄭箋云柔桑穉桑也蠶始生宜穉桑此卽桑葉始生者桑成大樹發葉較遲在野之桑未成樹萌芽略早可求也芽始成葉故曰柔

采芣苢

毛傳云芣白蒿也所以生蠶孔疏云爾雅釋草云芣苢蒿孫炎曰白蒿也傳於采芣曰苢蒿此云白蒿變文以曉人也白蒿所以生蠶此蓋言芣可以生蠶非言芣飼蠶集傳誤會毛說乃云蠶生未齊不可

食桑故以蠶啖之豈知蠶不可以食蠶哉蠶子未生古者采蠶以浴之此術今已不行詳見采蠶

八月萑葦

毛傳云萑爲萑葦爲葦豫蓄萑葦可以爲曲也曲一作籥說文云籥蠶薄也又作菑揚子方言云薄宋魏陳楚江淮之間謂之菑萑葦水草也詳萑葦

猗彼女桑

毛傳云女桑莢桑也鄭箋云條桑枝落之采其葉也女桑少枝長條不枝落者束而采之爾雅釋木云女桑栲桑郭注云今呼桑樹小而條長者爲女桑樹此言女桑爲桑樹之小者桑小生條故條長又名栲桑栲亦作莢非桑莢也桑莢爲前章之柔桑不宜又重言之上言條桑是爲大樹蓋桑條不伐則來年枝葉不茂此爲古制今尚行之若樹本小則不堪斬伐葉已采矣條須聽其滋長故云猗蘇氏曰猗

長也葉盡則條猗猗而長也爾雅棗桑棗祇訓小故郭氏又引當時俗語爲注蓋伐桑條之候桑葉已盛此時已無萋桑可取也傳以棗爲萋莫誤讀

七月鳴鷦

毛傳云鷦伯勞也與爾雅釋鳥文同鷦一作鳩或名鷦鷦伯勞或作百勞或作博勞或名百鷦或名伯趙郭氏云鷦似鷦鷦而大左傳曰伯趙氏春秋昭公十七年傳云伯趙氏司至者也樊光曰伯趙司至以夏至來冬至去爲其來去以夏至冬至故曰司至夫夏至陰生鷦應陰鳴禮月令仲夏之月鷦始鳴夏小正五月鷦則鳴易通卦驗云小暑伯勞鳴淮南子時訓注云五月陰極於下博勞應陰而鳴夏至爲五月中小暑爲六月初諸說微有不同然言鷦之鳴大略在五六月之間今忽言七月與諸說似戾鄭箋於是曲解曰伯勞鳴將寒之候也五月則鳴幽地晚寒鳥物之候從其氣焉嘗考幽地在今陝西

居近西陲寒來宜早易說卦傳言乾爲寒爲冰位西北故云寒冰禮云天地嚴凝之氣始於西南而盛於西北皆是西陲早寒之證也王肅又曲解之曰古文五字與今文七字相近故又訛爲七因一字之難明而欲改經以暢己說則其失尤甚於鄭嚴氏詩緝引陳思王惡鳥論云伯勞以五月鳴應陰氣之動陰爲殘賊蓋賊害之鳥也其聲鷦鷯故以其音名云補傳曰鷦仲夏始鳴至七月則鳴之極而將去矣毛西河續詩傳云七月鳴鷦以起下八月載績言鷦應陰而鳴五月一陰生至七月三陰生矣陰氣漸盛鷦愈甚養蠶者宜績絲製衣以禦寒氣離騷云恐鷦先鳴兮使百草爲之不芳也亦言草木零落之幾兆於鳴鷦也春秋傳言伯趙氏爲司至是鷦之至在五月

中因初至而聞其鳴故曰始鳴鷦之去在十一月中由五月至十一月皆有鷦鳴非七月後鳴極將去也鷦之去不在七八月間也但此鳥關左未見識者絕少張茂先禽經云伯勞飛不能翔直刺而已形

似鸛鶴鸚鵡喙黃伯勞喙黑此言鷓之形焦延壽易林云鷓則單栖
鷺必匹飛此言鷓之性陸農師坤雅云鷓能制蛇鷓鳴在上蛇盤不
動楊用修丹鉛錄云鷓能搏擊鷹集於林則盤旋鳴聒俟飛輒擊之
俗呼謂鳳凰皂隸蜀名鷺鷥滇中名鐵鷓哥又名榨油郎鷓之俗名
亦可知也

四月秀萋

毛傳云不榮而實曰秀萋草也鄭箋云夏小正四月王萋秀萋其是
乎物成自秀萋始說文云萋草也詩曰四月秀萋劉向說此味苦苦
萋也段氏注云夏小正四月秀幽幽萋一語之轉必是一物似鄭不
當援王萋也劉向謂苦萋今則不識味苦應夏令也詩緝引曹氏說
云萋遠志也爾雅釋草云萋繞棘菟注云今遠志其上謂之小草本
草言遠志一名蘇楚一名繞萋一名細草四月采根陰乾參訂諸說
知萋爲遠志矣四月陽氣極於上而微陰已胎於下萋感之而早秀

毛不指萋爲何草鄭疑爲王萑陸璣亦無明說曹氏以爲遠志證據甚明劉向以爲苦萋今遠志苦澀醫家以甘草熟煮之乃可用也本草言遠志生泰山背窵句山谷今河陝京西州郡亦有之根黃色形如蒿三月開花白色根長及一尺泗州出者花紅根葉俱大於他處夫郭注爾雅言遠志葉如麻黃赤華本草言遠志葉如蒿白華土性不同種類亦異其根入藥稱上品能治健忘益聰明故名遠志而苗極細微故名小草鄭箋引夏小正以萋爲王萑蓋王萑乃月令之王瓜今俗名赤苞與萋迥異孔疏云萋之爲草書傳無文鄭以四月生者自是王瓜夏小正作王萑而生秀自異本草言萑有實七月采陰乾云七月采之又非四月已秀是萋與否未能審之夫孔氏雖不識萋爲何草而疑鄭氏以王萑爲萋之非蓋以王萑秀於七月開淡黃花結小瓜生青熟紅內有黑子是生於四月非秀於四月也段氏注說文據劉向說以爲苦萋邵注爾雅亦據劉說言萋非遠志段氏以

萋爲夏正之幽遠志爲細草藏於衆草之中不易尋采頗有幽意而幽字從么與細小之義亦近遠志味苦與苦萋之名亦合萋幽與繞菟皆爲轉音是萋爲遠志明矣毛西河以萋爲苦菜苦菜卽今俗之鴨兒食草雖秀於四月而無萋名苦菜名茶六章云采茶此何不言秀茶也總由不詳此草誤據夏小正禮月令王瓜生苦菜秀二語而作此解徐氏又以萋爲狗尾草失之愈遠矣

五月鳴蠶

毛傳云蠶蟣也爾雅所載之蠶凡七種一曰娘蠶二曰蟣蠶三曰蜚蟣四曰蠶茅蠶五曰蠶馬蠶六曰蛻寒蠶七曰蜺蠶螻蟻郭注娘蠶云夏小正傳曰娘蠶者五彩具注蟣蠶云夏小正傳曰蟣蠶者蟣俗呼爲胡蟬江南謂之蟣蟣注蜚蟣蟣云如蟬而小方言云有文者謂之蠶夏小正曰鳴蜚虎懸注蠶茅蠶云江東呼爲茅截似蟬而小青色注蠶馬蠶云蠶中最大爲馬蟬注蛻寒蠶云寒蜚也似蟬而小

青色月令曰寒蟬鳴注蜺蜺蟬云卽蜺螿也一名螿蛄齊人呼螿
螿李氏本草以五月鳴者爲馬蜩一名蚱蟬一名齊女較諸蟬獨大
而色黑夏正言五月鳴者爲良蜩唐蜩今之蜩鳴於五月者其形頗
小其聲直而長其鳴於立秋候者其形巨黑兼綠色其聲曲而遠及
過別枝猶曳餘音此謂之蟬是爾雅之寒蜩也俗呼曰秋涼又曰接
涼言此蟲鳴則氣涼也又有形尤小色青長翼而聲近鳴咽者俗名
吉了乃接涼字音之轉關左有蟬無蜩關之右至盧龍蜩鳴漸多形
色黑而小於蟬槐柳陰中聚衆雜鳴音如鼎沸大雅言如蜩如蟬如
沸如羹詩人善取喻也王氏論衡云蜻蛚化腹蜻腹蜻坼背出而爲
蟬或云蜩娘所轉之丸久而化爲此蟲或云蟬卽蜩娘所化由不潔
轉爲至潔也古者蜩入食品見禮內則今未聞有食者矣

取彼狐狸爲公子裘

狐狸皆山獸名爾雅釋獸云狸子隸說文云狸伏獸似狸關左俗渾

呼曰狐狸究之狐自爲狐狸自爲狸二物判然不相似也蓋狐形似狗狸形似貓狐毛一色狸多斑文禮檀弓云狸首之斑然此狸有斑文之證也宋史安陸州貢野貓野貓之名至今俗猶呼之其形與家貓略同或黑毛或犖文比家貓身軀較偉面腰俱長大者長二尺餘毛厚而細圓目炯炯足最捷恆入村竊雞食正字通云狸野貓也有數種大小似狐毛雜黃黑有斑如貓圓頭大尾者爲貓狸善竊雞鴨斑如狸虎方口銳頭者爲虎狸食蟲鼠果實似虎狸尾黑白錢文相間爲九節狸領文如豹而作麝香氣者爲香狸卽靈貓也南方有白面尾似狐者爲牛尾狸亦名白面狸又登州有狸頭魚尾者名海狸是狸之類不一而總名野狸家貓亦名狸有狸奴名所以別之曰野也狸有食鼠者觀其捕鼠趨縮之步不失尺寸後鄭注周禮狸步云狸善搏者也行則止而凝度焉其發必獲廣雅云玉面狸人捕畜之鼠皆帖伏不敢出夫野狸之可畜以捕鼠者今則未見其恆見者爲

貓狸集皮爲裘名山狸毛微脆光滑如濡貴亞於狐香狸海狸亦間有之香狸之毫用之製筆禮內則云狐去腦狸去正脊古今食品之異不可與俗論也

言私其獾獻豸于公

毛傳云豸一歲曰獾三歲曰豸鄭箋云豸生三日獾夫獾豸皆野豸冬獵所獲豸小則私之豸大則獻之所謂大獸公之小獸私之也說文云獾生六月豚小爾雅云豸之小者爲獾一作獾豸一作肩齊還詩云並驅從兩肩兮一作豸又作豸

五月斯螽動股六月莎雞振羽七月在野八月在宇九月在戶
十月蟋蟀入我牀下

集傳云斯螽莎雞蟋蟀一物隨時變化而異其名夫斯螽莎雞蟋蟀本屬三蟲先儒無有併爲一物者後學亦多從三蟲之說蓋以此三蟲其名異其性異而其形色亦俱異爾雅釋蟲云榘螽蟪蛄天雞

蟋蟀螿三物三釋是非一物也其證一郭注爾雅云螿螿螿也俗呼螿螿螿小蟲黑身赤頭一名莎雞又一日樛雞蟋蟀今促織也一名青裂邢疏云螿螿周南作螿斯七月作斯螿雖字異文倒其實一也翰一名天雞一名莎雞一日樛雞李巡曰一名酸雞詩幽風六月莎雞振羽蟋蟀一名螿詩唐風蟋蟀在堂歲聿其莫爾雅分斯螿莎雞蟋蟀爲三蟲郭氏邢氏亦以三蟲解之不爲一物也其證二毛傳云斯螿螿也莎雞羽成而振迅之鄭箋云自七月在野至十月入我牀下皆謂蟋蟀也言此三物之如此者將寒有漸非卒來也傳引爾雅以解斯螿而莎雞惟言振羽則已分斯螿莎雞爲二物矣箋未明言斯螿莎雞蟋蟀爲何蟲而指之曰三物其不名爲一類可概見矣其證三陸璣疏云斯螿揚雄曰春黍也幽州人謂之春箕長角長股青色黑斑其股似玳瑁文五月中以兩股相搓作聲聲聞數十步莎雞似蝗而斑色毛翅數重翅正赤或謂之天雞六月中飛爾振羽

索索作聲幽州謂之蒲錯夫幽州卽今關之左右未聞呼斯螽爲春箕呼莎雞爲蒲錯者然其名不同則其物亦異而言二蟲之形色亦較詳是不與蟋蟀爲一物也其證四嚴氏詩緝云斯螽蚣蝓也蚱蜢也舊說以爲卽螽斯非也莎雞絡緯也促織之類也此以斯螽非螽斯斯螽爲馬蟠螽斯爲飛蝗本非一物其以莎雞爲促織類蓋言似促織也其辨斯螽甚是而其言莎雞則混入蟋蟀然亦不爲一物也其證五山陰陸氏云斯螽江東謂蚱蜢善害田穉古今注曰莎雞一名絡緯謂其聲如紡緯也促織一名投機謂其聲如急織也夫蟠類食苗本有此蟲而斯螽多居水草間不食禾莎雞雖鳴不似紡緯是言斯螽莎雞皆誤而言莎雞非促織略同嚴氏亦以斯螽非莎雞莎雞非蟋蟀也其證六虞氏天香樓偶得言斯螽莎雞蟋蟀爲三蟲亦引爾雅郭注及陸疏爲據其云斯螽一生九十九子周南螽斯羽卽此斯本語助故或云斯螽或云螽斯其云莎雞一名絡緯謂其鳴如

紡緯其云蟋蟀似蝗而小善跳正黑有光澤如漆一名螞一名促織
一名吟蛩秋初生得寒乃鳴此言三蟲形色不必盡是其言斯螽卽
螽斯與邢氏同與嚴氏異其言莎雞爲絡緯與郭陸俱異與山陰陸
說同其言蟋蟀則似野蟋蟀而其分之爲三則亦略同諸家也其證
七蟻蟻也蟋蟀也春箕也蚱蜢也是斯螽有四名天雞也樛雞也酸
雞也蒲錯也是莎雞有四名螞也促織也投機也吟蛩也是蟋蟀有
四名各有其名各不相混禮月令季夏之月蟋蟀居壁是六月卽名
蟋蟀不以六月名莎雞也王褒賢臣頌云蟋蟀俟秋吟五月六月非
秋不能動股振羽而鳴也蟋蟀之鳴以翼不以股此言動股則斯螽
非蟋蟀也莎雞鳴以翼則飛行而鳴於野不鳴於家此言入在牀下
則莎雞非蟋蟀也是爲三物非一物其證八此三蟲關左皆有斯螽
俗呼曰草螞蟻莎雞俗呼曰撒達蟲蟋蟀俗呼曰家趨織斯螽形似
蝗而小色青黃翅有花文長股善躍股動摩翼作聲非兩股相撻而

鳴頭微方無角有角者其聲在翼不在股陸疏言斯螽長角誤莎雞形似草蟲土灰色外翅蒼黑色內翅淺紅色艷如桃花內外翼祇二層亦無毛黃昏之候繞原低飛振羽之聲蓋沙沙然小兒拍手作響便止於地郭氏言莎雞赤頭陸氏言羽毛數層誤斯螽似蝗而實非蝗蝗爲害稼之蟲沴氣所生不習見螽則常有者羣蝗食禾螽惟食草蝗飛有聲不惟股不鳴其集於地翼亦不鳴也莎雞形似斯螽而色灰蒼飛行有聲止則不鳴恆在野不入室音則沙沙不類紡緯蟋蟀之在室者體色蒼有白花文春夏即育不必至秋始生偶逢秋涼四壁唧唧終夜不息嚴氏山陰陸氏謂莎雞爲絡緯虞氏謂蟋蟀至秋始生黑色如漆皆誤陸農師埤雅言莎雞鳴以時故有雞之號義尤近附會也

穹窒熏鼠

鼠小獸之穿屋墉者見行露

六月食鬱及萸

毛傳云鬱棣屬萸萸萸也說文云鬱木叢生者萸萸萸陸疏云鬱樹高五六尺其實大如李色赤食之甘廣雅云山李雀李鬱也萸萸舌也本草言萸萸今俗呼曰山葡萄蔓葉皆與家葡萄同萸微細弱葉碎而不整實小而圓如黃柏子色黑味酸不甚甘美處處恆有鄉人采食之夫常棣之實名鬱李亦作郁李俗呼漚李郁音似鬱漚亦鬱音之轉小木叢生花葉與李無異惟實小味酸而澀樹高二三尺關左未見高至五六尺者傳以鬱爲棣屬是以常棣爲鬱別名孔疏乃云爲唐棣之屬唐棣大木又名移本非果類何以云食因毛注而誤增一字便解不去古人之書不可輕加筆削類如此也晉宮閣名謂車下李三百四十株萸李一株車下李卽鬱萸李卽萸二者相類而同時熟夫以萸爲李此最可異萸字從草不從木毛傳廣雅皆不言其似李葡萄蔓生籐蘿之屬萸在說文列於草部籐本蔓生有

似於草則莫非木類也齊民要術引陸璣疏曰櫻莫實大如龍眼黑色今之車鞅籐實是蓋陸疏原本舊有此文今本脫去其言莫實大不至此而言莫爲籐非木類不待辨也或據說文以莫爲山韭然說文引韓詩作食鬱及藿非言莫卽藿也藿爲山韭莫爲藿莫字本不同不得誤合爲一也詩緝云鬱雀李棣唐之屬莫莫莫也鬱類而小別也旣以莫爲嬰又以莫似鬱草木混同蓋無確見矣

七月烹葵及菽

爾雅釋草云蔞葵藜露郭注云蔞露也說文云葵菜也未豆也籥未之少也未卽菽字崔寔云六月六日可種葵中伏後可種冬葵九月可作葵菹山陰陸氏云齊民要術言今有紫葵白葵二種左傳鮑莊子之足不如葵葵猶能衛其足今葵心隨日光所傳輒低覆其根李氏本草云葵三月種之嫩苗可食五月蔓延其葉似杏葉而肥厚八九月開紫黃花纍纍結實大如五味子熟則紫黑色揉取汁紅如胭脂

脂女子飾面點脣及染布故謂之胡胭脂亦曰點絳子羣芳譜云葵陽草也一名蜀葵一名露葵一名戎葵一名一丈紅處處有之本豐而耐旱味甘而無毒可備蔬茹可防荒儉種類甚多宿根自生天有十日葵與終始故葵從癸能自衛其足又名衛足花如木槿有紅紫白黑數色昔人謂疎莖密葉翠萼艷花金粉檀心可謂善狀此花已王氏農書云葵陽草爲百菜之主備四時之饌夫本草所言之葵爲蔓草關左未見王氏所言之葵卽今之大蜀菊徧地可種亦最易蕃療疾者恆用之秋生嫩葉嘗見燕趙人烹食潘安仁閒居賦云綠葵含露古蓋以葵爲常蔬也菽豆之總名葵曰烹則葵爲菜葵菽連言菽在烹內是菽亦爲蔬雖豉羹未見於古書然豌豆爲菽菽載於爾雅藿爲豆葉古人與藜同餐儀禮公食大夫禮有牛藿豌豆莖葉烹調得宜味亦鮮美安見此菽非卽今之豌豆類也晉地農人多食豆葉秦晉連疆風俗宜同亦足徵民風之節儉矣葵菽與上鬱莫爲對文

鬱莫二果名葵菽二菜名配合勻稱義理宜然而諸儒俱不加注何也

八月剝棗

棗果名樹似棘而爲大木堅韌理細其色外黃中赤小枝多刺生葉遲於他樹似榆葉而光滑一枝五七葉開小白花結實大如指生青熟紅纍纍盈枝甘美可食爾雅釋木所載有棗壺棗邊要棗積白棗楓酸棗楊徹齊棗遼羊棗洗大棗煮填棗蹶泄苦棗皙無實棗還味棗棗凡十一種而棗爲總名棗爲處處皆有之果味甘色赤白者今未見亦鮮有苦者酸棗爲棘羊棗俗名軟棗有棗名而不似棗大棗名洗郭注言出河東郡猗氏縣大如雞卵河東今之山西猗氏縣隸蒲州府棗大者長近二寸謂大如雞卵亦近似之羣芳譜云棗一名木蜜王氏農書云棗南北皆有然南棗堅燥不如北棗肥美生於青齊晉絳者尤佳齊民要術云旱澇之地不任稼穡者種棗則任矣清

益錄云百益一損者棗故醫氏目爲百益紅說文云東木芒也埤雅云大曰棗小曰棘棗性高故重束棘性低故並束棗棘皆有束故字皆從束禮曲禮云婦人之贊根榛栗脯脩棗栗儀禮士昏禮云婦摯舅用棗栗左傳云女贊不過榛栗棗脩皆以棗爲實也王氏言棗之佳者生於晉絳而今燕郡亦多出棗商賈販之爲貨果之上品也

十月穫稻

稻嘉穀秬也見鴛羽

七月食瓜

說文云瓜瓠也象形蓋言瓜字篆文象瓜實在鬚蔓間之形李氏本草云瓜類不同其用有二供果者爲果瓜甜瓜西瓜是也供菜者爲菜瓜胡瓜越瓜是也在木曰果在地曰瓠大曰瓜小曰瓠其子曰瓢其肉曰瓢其跗曰環謂脫花處也其蒂曰薹謂繫蔓處也禮記天子削瓜及瓜祭皆指果瓜也夫果瓜亦有三一曰甜瓜又名甘瓜俗名

香瓜一曰西瓜又名寒瓜有與西瓜同類而瓢不甚甘曰打瓜肉不堪食其子爲果中佳品市貨瓜仁皆打瓜子也神農本經所載瓜蒂乃甜瓜之蒂西瓜源出西域入中夏較晚元人吳瑞云契丹破回紇得此種本草言胡嶠征回紇得此種歸是西瓜自五代時始入中國雖陶氏本草瓜蒂注有寒瓜甚大之語彼時中國西瓜尙未徧有則陶氏以前未有西瓜可知此詩所言之瓜爲甜瓜非西瓜也蓋甜瓜三月下種葉圓似瓠而小蔓延依地五月開小黃花結實大小不勻生苦蒂黏於蔓熟甘香則蒂自落有圓有長有首長末銳脫花處蒂鼻或凹稜四五稜者形既不一有色青色白色黃色黑或黑白青黃相間色亦不一五六月際可食西瓜之熟較甜瓜略晚夏小正言五月乃瓜較今甜瓜之熟又微早何至七月始食之如以颯風爲周正夏之七月卽周之五月不惟七月流火見於本章如四月維夏六月徂暑他章亦然則此七月非五月明矣詳釋詩義上六句似養老者

下六句似養壯者上六句以六月發端下六句以七月發端可見也然則所食之瓜或是菜瓜廣雅所言龍蹄獸掌羊駁兔頭桂髓蜜甯小青大斑八名皆是果瓜今俗所見瓜之爲蔬者有黃瓜絲瓜苦瓜冬瓜倭瓜五種可食之時亦多在七月此人人習讀而不曾致疑者月令孟夏之月王瓜生乃今之赤苞入藥用非蔬類

八月斷壺

毛傳云壺瓠也孔疏云以瓠與食瓜連文則是可食之物故知壺爲瓠謂甘瓠可食就蔓斷取而食之夫古者瓠匏通稱八月瓠成質堅蓋斷之爲器非食之

九月叔苜

毛傳云苜麻子也孔疏云苜麻之有實者蓋麻分雌雄有子爲雌麻名苜不結子者爲雄麻名臬言苜是叔麻子也

采荼薪芻

毛傳云樗惡木也陸疏云樗樹及皮皆似漆青色葉臭蓋茶爲苦菜
樗爲臭椿茶非甘滑之蔬樗爲不材之木故農夫於茶則采之於樗
則薪之

黍稷重穋禾麻菽麥

毛傳云後熟曰重先熟曰穋蓋禾之熟有早晚故先後之名分也黍
稷菽麥皆穀名

晝爾于茅

茅野草荻屬見野有死麕

獻羔祭韭

說文云韭菜也一種而久生者也故謂之韭象形在一之上一地也
夏小正云正月圃有見韭禮曲禮云韭曰豐本王制云庶人春薦韭
內則云豚春用韭儀禮聘禮云韭菹是韭爲祭祀之豆實又爲日用
之常蔬也坤雅云韭之美在黃今俗於冬月用草糞培韭根令深厚

溫暖韭生黃芽貨以爲珍俗名韭黃漢書龔遂傳遂治渤海勸民種一畦韭南史周彥倫傳文惠太子問彥倫曰菜食何味最勝對曰春初早韭秋末晚菘是嫩韭爲嘉蔬老則辛葷不堪食也韭有園韭山韭之別園韭可種葉似薤而肥大高盈尺六月出莖開小白花尖瓣六出攢簇成叢結子色黑暗似葱子山韭莖葉與園韭略同花作淡紫色爾雅釋草言霍山韭卽此也羣芳譜又有水韭生水五六月堪食不葷而脆關左未見此種也

鴟鴞鴟鴞既取我子無毀我室

毛傳云鴟鴞鷓鴣也鄭箋云重言鴟鴞者將述其意之所欲言也爾雅釋鳥云鴟鴞鷓鴣郭注云鴟類言鴟類者以鴟鴞與怪鴟梟鴟皆有鴟名也鴟鴞又名茅鴟郭注爾雅云今鷓鴣也爾雅又有雀老鷓郭注云木兔也似鴟鴞而小兔頭有毛角夜飛好食雞說文云雀鷓屬從隹從卍有毛角所鳴其民有禍又云鴟鴞鷓鴣也段氏注云鴟

鴟則爲鵂鴞鴟舊則爲舊留不得舉一鴟字謂爲同物又不得因鴟與臬音相近謂爲一物又不得因鴟鴞與鴟鴞音近謂爲一物也鴟舊不可單言鴟鴞鴞不可單言鴟凡物以兩字爲名者不可因一字與他物同謂爲一物鴟鴞形似鷹鷂立高二尺餘羽黃蒼斑文頭如兔毛角雙峙圓目利爪晝伏夜出破他鳥巢食其子及卵或入村鄉攪雞貓食之其鳴如撮口相呼鳴鳴不歇又如人鼾睡聲關左俗名曰橫呼是言其多聲又名曰狠扈是言其性鷙夜集人家屋上鳴主凶喪說文謂所鳴主禍蓋以此也其或夜蹲山嶠長呼不息主天將雨亦有驗莊子秋水篇云鴟鴞夜撮蚤察毫末晝出而不見邱山陳藏器本草云鴟鴞夜能入人家拾人手爪知人吉凶故除爪者埋之戶內恐爲鴟鴞所得夫鴟鴞非鴟鴞鴟鴞爾雅名怪鴟又名鴟鴞郭云江東呼鴟鴞亦謂之鴟鴞其聲亦似休留字說文名鴟舊晝伏夜飛往來於深山密林未見其至村里也莊子言撮蚤爲吃蚤小蟲亦

非爪甲之爪也陸璣謂鴟鴞似黃雀而小其喙尖如錐取茅秀爲巢以麻紮之如刺轆然懸於樹枝謂之轆雀或曰巧女此蓋以鴟鴞當鴟鴞也鴟鴞一名桃蟲乃鳥之極小者豈能毀他鳥之巢以取其子哉此由揚氏方言桃蟲與鴟鴞之別名雜亂同釋陸氏不察取之作注而與詩義乖舛不合陸農師嚴華谷非之宜矣邵晉涵爾雅正義云鴟鴞鞠鳩鳥名也鴟鴞之所以愛養其子者適所以病其子愛養其子者謂堅固其窩巢病之者不知託於大樹茂枝反敷之葦蒲風至蘭折巢覆有子則死有卵則破是其病也夫詩言取他鳥之子破他鳥之巢此則云自病其子自壞其巢調停陸說而並詩義亦失之未嘗目覩其物徒據舊文懸想猜測翼千慮之一得蹈此病者比比皆是也鴟鴞有鞠鳩名揚氏言鴟鴞一名鞠鳩因有以鴟鴞爲桃蟲者鴟鴞字與鞠鳩爲轉音說文言其禍民物近於怪因有一鴟鴞爲怪鴟者土臬名訓狐名鴟鴞鴞名橫呼與狐鴟音似因有以鴟鴞爲

巢鳥者凡鳥夜多目瞶鴟鴞之目夜察秋毫故能破他鳥之巢以取其子鴟鴞入村夜攫貓雞蓋常見之

徹彼桑土

毛傳云桑土桑根也此爲桑根之皮也桑根在土中其皮外黃內白剝而取之柔軟堅韌可代麻劂

予所捋茶

毛傳云茶萑茗夫茗亦作芳爾雅釋草云葦醜芳是芳爲葦之華茶乃萑之華也孔疏云茶蕪之秀穗也顏師古漢書注名葦萑葦蕪皆萑之別名萑初萌芽似錐萑秀成穗爲茶捋萑穗以藉巢亦鳥之所恆有者

蝓蝓者蝓烝在桑野

毛傳云蝓蝓蝓貌蝓桑蟲也鄭箋云蝓蝓蝓然特行久處桑野有似勞苦者夫食葉之蟲凡樹皆有樹葉面滑而背澀食葉之蟲常居葉

下詩殆以蠋居葉下與人在車下也勞苦似非詩義也說文蠋作蜀釋之云葵中蠶毛傳解蠋爲蠶許氏解爲蠶蓋以蠋形似蠶曰葵中者言蜀葵中亦有不獨桑間始有蠋也爾雅釋蟲云蠋烏蠋郭注云大蟲如指似蠶韓子云蠋似蛇蠶似蠋人見蛇則驚駭見蠋則毛起然而婦人拾蠶漁者握蠶刈之所在則忘其所惡皆爲孟賁淮南子亦云蠋之與蛇蠶之與蠋狀相類而愛憎異參考諸說是蠋爲似蠶之蟲見蠶卽可以識蠋也今關之左俗尙植桑而食桑葉之蟲較少其有一種青蟲似蠶而細小者卽小宛所謂螟蛉也又一種青黃灰色似蠶之蟲足生兩端行則一屈一伸此易傳所謂尺蠖也間有毛毳形不似蠶又有一種比蠶差小蒼灰色吐絲成繭此卽野蠶惟食桑葉不食葵藿亦非蠋也莊子庚桑楚云奔蜂不能化蒼蠋蒼蠋卽豆上青蟲大如拇指與蠶酷似俗呼曰豆蟲彼葡萄蘆香鳳仙芝麻黃藥棠梨葉間皆有似蠶之蟲青黃色有花文或黑黃色前後共十

六足牢據莖葉上風搖不隕亦有色黑者此爾雅所謂烏蠋也山左人呼曰脹牛蠹此詩言在桑野乃是食桑葉者豈西陲有食桑之蠋東方桑樹獨無此蠹乎

果贏之實亦施于字

毛傳云果贏栝樓也爾雅釋草云果贏之實栝樓郭注云今齊人呼之爲天瓜李氏本草云果贏贏與蒹同許慎云木上曰果地下曰蒹此物蔓生附木故得兼名夫栝樓卽果贏二字轉音亦作藟藟又作苦藟又作瓜藟瓜音與姑相近故又有澤姑之名古字頗少古人名物往往借用借果贏爲瓜藟與八月斷壺言采其蒴借壺爲瓠借蒴爲藟相似如曰蔓生附木此詩曰施字又當如何作解考察名物不能於物之形象性情作解而惟於字義中求之大半穿鑿附會不足信也羣芳譜云栝樓三月生苗引蔓葉如甜瓜而狹作又有細毛七月開花似瓠花淺黃色結實花下如拳生青九月熟黃赤色有圓

者有銳而長者內有扁子大如絲瓜子殼色褐色子色綠根一名白藥直下生年久者長數尺秋後掘者有粉夏月掘者有筋無粉果與根皆入藥材此草關左恆有種之以爲藩籬作點綴者蔓細而長葉如苦瓜而厚花似王瓜而大果如甜瓜而小生色青綠八月熟深黃色取根搗之淘洗出粉名瓜婁粉取子剖瓢名瓜婁仁

伊威在室

毛傳云伊威委黍也此蟲處處皆有古名委黍一名鼠負一名鼠姑伊一作蚶負一作婦爾雅釋蟲云蚶威委黍又云蟠鼠負郭注云瓮器底蟲陸疏云伊威一名委黍一名鼠婦在壁根下甕底土中似白魚者是也夫此蟲名鼠負韓氏本草言其生土坎中常惹著鼠背猶臬耳名羊負來也又名鼠婦陸氏埤雅言食此蟲令人善淫又名鼠姑婦同類也夫古人因物命名在當時未必無意然五方之語音不同則物名遂遷轉而漸失如燕鵲以形名鵝鴨以聲名鸚鵡以色名

至今猶可會意得之若伊威委黍鼠負婦姑以古音讀之音皆相似姑婦似黍鼠音伊威似鼠黍轉音焉必其爲蟲著鼠背食之善淫邪果爾此蟲有何威其形又不似黍也伊威由溼氣所生故俗名溼生蟲遼陽北呼曰潮蟲猶是溼生之意故鄭箋云家無人居則生也關左又呼曰稭米蟲此蟲形扁而勻長灰白色背有橫文黑目雙鬚十四足小者與稻粒酷似凡屋壁溼處恆有之陸氏謂伊威似白魚此爲食字之蟬生故紙堆中及書卷內形似小魚故名白魚又名蠹魚又名脉望漢以前無紙白魚何自生也

蠮螋在戶

毛傳云蠮螋長跣也爾雅釋蟲文同郭注云小蠮螋長腳者俗呼爲喜子陸疏云蠮螋長跣荊州河內人謂之喜母此來著人衣當有親客至有喜也說文云蠮螋長股者或曰長跣或曰長腳或曰長股諸家說雖小異而大意略同蓋蠮螋爲蜘蛛之別種爾雅所載次蠹蠹

鼃鼃鼃螿土鼃鼃草鼃鼃方言云鼃鼃鼃螿也自關而西秦晉之間謂之鼃螿自關而東趙魏之郊謂之鼃鼃或謂之蠃螿北燕朝鮮而水之間謂之蠃螿是皆在野之蜘蛛而非蠃螿也蠃螿亦名蜘蛛而獨在室在室之蜘蛛亦非一類此爲長足頭腹俱小足有六細如綫而長數倍於身室有人居則蠃螿多網壁角室無人居則蠃螿常網戶樞但其網絲縷雜亂不及檐外蜘蛛結撰工巧也唐人玉臺體詩言蠃子之飛爲窠砧歸家之占此卽喜母著衣有親客至之意劉勰新論亦言野人晝見蠃子爲喜樂之瑞故俗呼蠃螿曰喜蛛

町疃鹿場

鹿山獸名見野有死麕

熠燿宵行

毛傳云熠燿燐也燐螢火也孔疏云燐鬼火之名以螢火爲燐非也陸氏坤雅崔氏古今注皆云熠燿螢爾雅釋蟲云螢火卽炤郭注云

夜飛腹下有火禮月令季夏之月腐草爲螢夏小正云八月丹鳥羞
白鳥丹鳥螢白鳥蚊蚋也本草所載螢類有三其有翼能飛者乃茅
根所化月令言腐草所爲者也其居傍水際者名水螢唐李卿水螢
賦所謂彼何謂而化草此何謂而居泉是也其形似蛆蟲長尾有光
無翼不能飛一名蠲竹根所化集傳謂宵行如蠶者指此關左多草
少竹多山少澤故惟有飛螢形如叩頭蟲大亦如之黃白色雙翼長
與身等腹近尾下有光飛如星流有人兩手拍擊作聲便止於地向
居北燕夏月常見飛螢而大僅如蠅多生牆陰階下城內人家屋宇
密比豈有腐茅因思螢爲溼氣所化未必盡屬於草也晉書車允傳
云允家貧不常得油夏日則練囊盛數十螢火以照書夫螢火之光
本自無多有人捉取其光自閉照字讀書似不足信古今注云一名
耀夜一名景天一名熠耀一名丹良一名丹鳥一名宵燭一名燐是
螢有燐名傳以熠耀爲燐本自非誤孔疏不必駁也

鶴鳴于垤

毛傳云垤螻蛄冢也將陰雨則穴處先知之矣鶴好水長鳴而喜也鄭箋云鶴水鳥也將陰雨則鳴說文云翟雀也詩曰翟鳴于垤禽經云鶴仰鳴則晴俯鳴則陰鶴生三子一爲鶴巽極成震陰變爲陽震爲鶴巽爲鶴陸疏云鶴鶴雀也似鴻而大長頸赤喙白身黑尾翅樹上作巢大如車輪卵如三升杯望見人按其子令伏徑舍去一名負釜一名黑尻一名背竈一名皂裙又泥其巢一傍爲池含水滿之取魚置池稍稍以食其雛若殺其雛則一村致旱災也陶氏本草注云鶴有二種似鶴而巢樹者爲白鶴黑色曲頸者爲烏鶴漢書楊震傳云有冠雀銜三鱸飛集講堂前注云冠雀卽鶴是鶴爲食魚之水鳥也寇宗爽云鶴似鶴而頂不丹項無烏帶兼不善啜止以喙相擊而鳴李氏本草云鶴色灰白翅尾俱黑多巢於高木其飛也奮於層霄旋繞如陣仰天號鳴必主有雨或謂能致旱災此不經之說至謂泥池

養魚有人升木驗其巢蓋不然此鳥關左亦嘗見之當春日和煦之
候有大鳥翔於雲端其大如鶴人指爲鶴背尾色黑故有負釜皂裙
諸名但祇往來飛鳴而無作巢久居者若空中泥池風高土燥焉能
貯水養魚以意揆之其誣可知說文云垤螿封也韓氏云巢居知風
穴居知雨天將雨螿出壅土鶴見之長鳴夫螿爲小蟲處處有之螿
又作螿爾雅釋蟲云蚍蜉大螿小者螿螿打螿螿飛螿方言云蚍蜉
齊魯之間謂之蚍蜉西南梁益之間謂之元蚍燕謂之蛾蚍其場謂
之坻或謂之垤其大而赤色斑駁者名螿有翅而飛名螿今俗則總
呼曰馬螿天晴則啓穴以便出入天將雨則銜土封穴高寸餘如小
塚然故名螿塚又名螿壤言垤形如塚也孔疏謂將欲陰雨水泉將
潤故螿避溼而上塚嘗見螿穴多近高地將雨之候螿又高遷千百
成羣往來如織俗名曰螿行香不盡上塚避水也或誤會毛傳螿塚
之說也天晴螿或伏穴不出陰則螿羣出銜土塞穴鶴食螿見螿出

而長鳴是兩徵也此詩以鶴鳴興下婦歎以于垓興下于室與下章倉庚于飛興下之子于歸以熠燿其羽興下皇駁其馬同例非賦體也

有敦瓜苦烝在栗薪

毛傳云敦猶專專也烝衆也言我心苦事又苦也鄭箋云此又言婦人思其君子之居處專專如瓜之繫綴也瓜之瓣有苦者以喻其心苦也栗析也言君子又久見使析薪於事尤苦也此皆言舉瓜之苦者以喻人之苦古無他瓜詩中言瓜則爲甜瓜甜瓜生則味苦熟則香甜試以全詩衡之桑有蠋蠃有實周公東歸正在夏月瓜未盡熟自是目前景物而首章言始歸在路二章言在路思及家室之荒涼三章言我征事至是此時之歸士已至家矣不宜失序又言析薪之苦也蓋從軍三年忽歸故鄉瓜延栗薪猶足動懷則是舉小見大舉輕見重之筆未必中有喻意鄭氏訓烝爲久訓栗爲析愈迂曲而失

之愈遠也

倉庚于飛熠燿其羽

鄭箋云倉庚仲春而鳴嫁取之候也熠燿其羽羽鮮明也蓋倉庚卽黃鸝熠燿其羽者言其羽鮮明如螢火之光嘗於雨後偶見流鶯映日低飛金黃羽毛其光射目誠有似乎螢火也者小雅言交交桑扈有鶯其羽以鶯比桑扈之文與以螢比倉庚之羽正同夫軍士之歸計在夏月而從征年久婚已愆期備禮卽行不拘霜降冰泮亦情之所宜有者倉庚出以二月蟄於九月羽飛熠燿豈定仲春螢火行宵瓜實施宇迴非春日景物可知古人讀書不必心細也

之子于歸皇駁其馬

毛傳云黃白曰皇駁白曰駁爾雅釋畜文同

九罭之魚鱒魴

毛傳云鱒魴大魚也爾雅釋魚云鱒鱒郭注云似鱖子赤眼說文云

鱒赤目魚陸疏云鱒似鯤魚而鱗細於鯤赤眼多細文此魚關左俗呼曰赤眼魚或呼曰鱒子魚圓身細鱗色白而微蒼眼中血絲橫貫注家以爲赤眼誠然也大者長二三尺餘松花諸江皆有之漁人言此魚善於遯網頗不易取羅願云鱒魚目中赤色一道貫瞳魚之美者今俗謂之赤眼鱒食螺蚌

鴻飛遵渚

毛傳云鴻不宜循渚也鄭箋云鴻大鳥也不宜與鳥鷺之屬飛而循渚陸疏云鴻羽毛光澤純白似鶴而大長頸肉美如雁又有小鴻如鳥色白今人直謂之鴻蓋鴻爲鵠鶴類名黃鵠亦名黃鶴

狼跋其胡載蹇其尾

毛傳云跋蹇蹇踳也老狼有胡進則蹇其胡退則踳其尾孔疏云狼之老者頷下垂胡蓋狼爲山獸項下懸皮爲胡胡垂如袋狼老則有之前行跋胡後退蹇尾是進退俱難也

毛詩多識卷七終

毛詩多識卷八

長白多隆阿著

小雅上

呦呦鹿鳴食野之苹

毛傳云苹萍也是蓋以苹爲水萍鄭箋云苹蘩蕭也是蓋以苹爲原草爾雅釋草云苹萍又云苹蘩蕭郭注云萍水中浮萍蘩蕭今之蘩蒿傳箋釋苹皆本爾雅箋又改傳作蛄者以萍爲水草非鹿所食故也陸疏云苹葉青白色莖似蒼而輕脆始生香可生食凡蒿之屬其臭多香而有清濁之別其香之近清者嫩皆可食鹿則不拘香之清濁皆食之王氏羣芳譜言一名藻一名水花引此詩句爲證而此詩明言在野不言在水萍之爲草浮於水面纖微細弱寥寥無幾鹿爲山中大獸萍有多少足供其食關左多鹿人家畜之亦從未見其食萍則萍爲蒿屬不爲水草無疑也蕭爲香蒿古人采之以供祭祀之

用萃之莖葉與蕭近似故有蕭名又以與蕭非一草故又別其名曰
蕝本草言鹿食九草其中有白蒿齊頭蒿二種則萃蓋齊頭蒿耳

呦呦鹿鳴食野之蒿

毛傳云蒿菽也爾雅釋草云繁之醜秋爲蒿郭注云醜類也春時各
有種名至秋老成皆通呼爲蒿邢疏云此言繁蕭之類春始生氣味
既異故其名不同至秋老成則皆蒿也蓋蒿之種類最繁總名爲蒿
爾雅所載曰皤蒿卽白蒿曰蒿菽卽青蒿香可食曰蔚牡菽卽青蒿
之不結子者曰艾冰臺卽艾蒿曰莪蘿卽莪蒿亦曰蘼蒿曰蕝蕭名
蕝蒿卽首章之萃曰購蕭蕝卽蕝蒿亦名流蒿曰蕭萩卽香蒿可供
祭祀用者凡八種說文所載曰蒹蒿曰蒼蒿曰蒼蒿曰蔚香蒿曰莪蘿曰蒹
蒿曰蔚牡蒿曰蕭艾蒿曰紫白蒿曰蓬蒿曰艾久臺此不言蒿以艾
之爲蒿人所習知也凡十種其曰菽曰莪曰蔚曰蕭曰紫曰艾者與
爾雅同而以蕭爲艾又曰艾冰臺則犯複蕭爲香草葉似蕝本艾爲

灸草葉似菊花二草之性不同二草之形亦異也本草所載之蒿亦有數種與爾雅說文大概相同關左所有之蒿白蒿青蒿艾蒿香蒿之外其餘大半無名卽有俗名亦不雅馴要之凡蒿屬則鹿皆食之不必惟食藪也傳蓋舉其一以爲注耳

呦呦鹿鳴食野之芩

毛傳云芩草也而未釋芩爲何草本草謂鹿食九草餘則不食九草者葛葉鹿葱鹿藥白蒿水芹甘草齊頭蒿山耳齊荳也陸疏云芩草莖如釵股葉如竹蔓生澤中下地鹹處則是芩爲近水之草或云卽水芹水芹生澤畔葉似藁本而微整三月初萌布地生五月中抽莖枝岐出開細白碎花結子細如沙香而微辛春嫩莖葉采淪可食美勝他蔬夫鹿雖野獸取麋畜之則亦易馴居近東邊往往多用木檻爲圍養育以供玩賞者豆蘆木葉無所不食皆在九草之外本草之說不足據也

翩翩者雌載飛載下集于苞樹

毛傳云雌夫不也鄭箋云夫不鳥之譚慤者夫不一作鳩鴉爾雅釋鳥云佳其鳩鴉郭注云今鴉鳩此鳥又名鴉鳩鴉爲鴉音之轉又名錦鳩又名斑鳩蓋其形似鴉鴉大亦如之羽藍灰色亦有青白斑點者此以羽色命名也嚴氏詩緝云雌一鳥而十四名雌佳其鴉鳩祝鳩鳩鴉鴉鴉鴉楚鳩鴉鴉荆鳩乳鳩鴉鴉鴉鴉鴉鴉也其名雖多而今惟呼曰斑鳩斑鳩在關左四時皆見春夏多聲似咕咕格格四字拙於爲巢不能縝密惟取數十枝架於樹杪之間疎不蔽體人在樹下可仰見其卵力搖此樹卵或隕墜俗云天將雨鳩卽逐其雌晴則呼而返之又名搬鳩言能搬移其卵雛今有小兒升樹取之以俟其搬則竟不能此說殆不可信或名曰鳩婦則以雨逐之晴歸之也夫雛巢本不密豈能蔽雨雛在平日宿惟棲樹至於伏卵始草草爲窠是累窠者爲雌鳩非雄鳩也逐雌之說亦未必然或名曰拙鳩此

鳩不善營巢則成拙矣方言以鴉鳩爲鷓鳩廣雅以鷓鴣爲戴勝鷓
鳩爲鳴鳩戴勝爲鳴鳩皆誤春秋昭公十七年傳云祝鳩氏司徒也
蓋以祝鳩性孝故以爲五鳩之首杜預注云祝鳩鷓鴣也鷓鴣孝故
爲司徒主教民也是鷓爲孝鳥此詩取之以興將父言鷓集樹得所
安止已勤王事不遑養親樹樛也俗名尖柞見鷓羽

翩翩者鷓載飛載止集于苞杞

毛傳云杞枸櫞也爾雅釋木云杞枸櫞郭注云今枸杞也陸疏云枸
櫞一名苦杞一名地骨春生作羹茹微苦其莖似莓子秋熟正赤莖
葉及子服之輕身益氣夫枸杞爲小木多叢生故曰苞一名枸棘爲
其枝有刺如棘又名天精又名地骨爲其入藥可以補精血壯筋骨
也本草言春采葉名天精夏采花名長生草秋采子名枸杞子冬采
根名地骨皮又名羊乳言枸杞之子甘如乳也枸杞一作苟杞一作
句杞一作句已字畫小異耳詩緝云本草有枸杞名仙人杖一名西

王母杖羣芳譜云枸杞二木名此物棘如枸之刺莖如杞之條故兼
二名此木關左山中多有之春生葉如石榴而狹小幹高數尺枝弱
似蔓六七月開小紅紫花結實如棗核蒂長三四分餘纍纍盈枝熟
紅鮮潤光如珊瑚但味酸而苦不堪入藥李氏本草言陝之蘭州靈
州以西枸杞皆作大樹子圓如櫻桃紅潤甘美可作果食此爲枸杞
之別種陝西甘州枸杞子味甘不醉入藥爲上品陸氏又言杞爲柳
屬柳爲喬木樹非叢生豈得言苞此與將仲子無折於里牆者原非
一類易姤卦九五云以杞包瓜釋文以爲苟杞左氏昭公十二年傳
云我有圃生之杞社注杞枸杞易姤卦上乾下巽爲陰息陽消之卦
杞爲巽象巽爲木爲高巽木屬陰爲杞柳非枸杞左傳之杞言生於
圃枸杞生於野杜注亦不確也

我馬維駒

說文云馬二歲曰駒

我馬維駢

秦風小戎傳云駢華文也蓋馬之青黑成文者

我馬維駘

爾雅釋畜云白馬黑鬣駘禮月令云駕白駘是駘爲馬之白色者明堂位云夏后氏駘馬黑鬣是馬身色白而鬣黑色曰駘也

我馬維駒

毛傳云陰白雜毛駒此本爾雅釋畜文

常棣之華鄂不韡韡

毛傳云常棣棣也鄂猶鄂鄂然言外發也韡韡光明也鄭箋云承華者曰鄂不當作枅鄂足也鄂足得華之光明則韡韡然盛爾雅釋木云常棣棣郭注云今關西有棣樹子如櫻桃可食或名棠棣蓋棠常同音常棣花葉亦似棠而小故有棠名本草名郁李言馥郁也花實俱有香氣故曰郁又作鬱六月食鬱爾雅詩所言者卽此也又名雀李

又名雀梅李梅皆象其實曰雀者小也言其實比梅李俱小其子入藥曰郁李仁此木關左最多高者不過三四尺抽條叢生無大樹夏初花葉齊放色白五出繁縟濃密結實肖李生青熟赤紫可采食酸而微澀不如園李甘美俗呼曰漚李漚爲郁鬱音聲之轉陸疏謂唐棣爲萸李一名雀梅一名車下李其花或紅或白六月中成實大如李子可食又謂常棣白棣樹也如李而小如櫻桃又有赤棣亦如白棣葉如刺楡而微圓子正赤如郁李而小五月始熟自關西天水隴西多有之詳釋陸氏說唐棣之形正是常棣蓋誤以常棣當唐棣也其言白棣實似櫻桃者與郭注略同郭言出於關西此亦言出於關西天水隴西關左關右土產多似今有呼漚李曰山櫻桃者山櫻桃酸而不澀形亦與櫻桃酷似此爲常棣之別種似一而實二也詩緝以常棣爲玉李未知其指而與唐棣並載嚴氏蓋無確見唐棣名移葉大如楊與常棣迥異詩中木屬字義相似者如唐棣之與常棣杏

梅之與柎梅枸杞之與梓杞未見其物徒據舊說往往牽混於以知
考察物類多聞不如多見矣

脊令在原

毛傳云脊令雛渠也飛則鳴行則搖不能自舍耳爾雅釋鳥云鷓鴣
雛鷓是脊令又作鷓鴣一作鷓鴣別名雛渠又作雛鷓又作鷓渠鄭
箋云雛渠水鳥而今在原失其常處則飛則鳴求其類天性也夫則
飛則鳴猶小宛所謂載飛載鳴飛不已鳴亦不已故郭注爾雅謂其
飛則鳴行則搖也漢書東方朔傳云若鷓鴣飛且鳴矣顏師古注云
鷓鴣雛渠小青雀也飛則鳴行則搖言其勤苦也禽經言脊令友悌
凡共母者飛鳴不相離詩中兩言脊令皆喻兄弟故箋謂求其類因
此見詩人詠物各有深意以脊令言兄弟與鷓鴣興將父將母之義
正同是知不識物性不可以說詩也陸疏云脊令大如鷓鴣雀長腳長
尾尖喙背上青灰色腹下白頸下黑如連錢故杜陽人謂之連錢說

文云雅石鳥一名雛鷗一曰精列是雅石鳥精列又爲脊令別名段氏注云精列脊令字音之轉詩緝云脊令雪姑也山陰陸氏云鷗鷓錢母物類相感志云俗呼雪姑其色蒼白鳴則天將大雪極驗是雪姑錢母亦爲脊令別名雛渠也連錢也石鳥也精列也錢母也雅也脊令之別名有六也關左每於河溪之側見有小鳥大如雀灰白色喙下有黑圓文腳尾微長飛則啣留作聲似脊令兩字之音止於地則尾急搖俗呼曰顛尾雀卽此鳥也但於春夏水暖時則有之冬寒則不見其名雪姑鳴應降雪在北地殊不然此詩不言其飛言其在原是取行則搖有不安之意以興下兄弟急難焉

采薇采薇

毛傳云薇菜也卽野豌豆見草蟲

彼爾維何維常之華

毛傳云爾華盛貌常常棣也說文引此詩爾作蕭亦訓華之盛常卽

郁李見常棣

象弭魚服

毛傳云魚服者魚皮也孔疏云魚服言以皮爲矢之服今俗所用之箭袋陸疏云魚獸之皮魚獸似猪東海有之一名魚鼈其背上斑文腹下純青以爲矢服雖已乾燥而海水將潮及天將雨其毛皆起潮回天晴其毛復如故雖在數千里之外可以知海水之潮其氣自相感也郭景純江賦云魚則江豚海豨注引南越志云江豚似猪海豨豕頭身長九尺關左東南臨海魚皮之可爲器者沙魚最貴次則爲海狗海豚陸言魚獸似猪似指海豚又名魚鼈似指海狗海狗大者數十斤脂油可燃燈皮可製器狗頭魚尾前有二足毛細色黃水陸皆居本草名曰臘脯沙魚海豚皆無毛有毛之魚皮似指海狗也

昔我往矣楊柳依依

毛傳云楊柳蒲柳也見車鄰

黍稷方華

黍稷穀名見黍離

嘒嘒草蟲趨趨阜螽

草蟲阜螽皆蟲名見草蟲

倉庚喈喈采芣芣

倉庚黃鳥繁白蒿倉庚見葛覃繁見采芣

有秋之杜有皖其實

杜赤棠山梨之赤者見甘棠

陟彼北山言采其杞

鄭箋云杞非常菜也而升山采之託有事以望君子此杞爲枸杞非杞柳杞柳無實枸杞有實有實始可言采故此杞宜爲枸杞也箋以杞爲菜孔疏亦以爲杞木之菜蓋枸杞之嫩葉可茹古以爲蔬

鮮荈

毛傳云鰩揚也鰩鮪也是言鰩又名揚鰩又名鮪古今稱名各異鰩揚鰩鮪又皆以本韻字爲訓陸疏云鰩一名揚今黃鰩魚本草云黃鰩一名缺鰩無鱗埤雅云缺鰩魚其臍春夏近上秋冬近下正字通云鰩身尾似鮎腹黃背青鰩下二橫骨兩鬚羣游作聲軋軋然一名黃鰩一名黃鰩蓋此魚名揚名缺皆鰩之同音字黃鰩黃鰩是言此魚之色其鰩鰩異於他魚故以鰩鰩名之黃鰩者言此魚鰩骨之聲軋軋也鰩爲處處恆有之魚無鱗黏滑手不可捉身色黃背青鰩鰩骨橫互作聲禮月令糝祭魚取用爲祝者卽鰩也陸佃謂鰩爲黃鰩魚性浮而善飛躍故曰揚陸璣亦曰鰩身形厚而長骨正黃魚之大而有力解飛是皆以揚爲飛因鰩名揚泥執字義附會言之不知鰩非罕見之物其大者長三四尺本不能躍又焉能飛其皮色黃而黃不在骨本無鱗非其鱗之黃關左俗呼曰黃昂昂與揚義相近鰩行水中鰩邊兩刺緊貼其腹一入網罟則兩刺昂然橫互遞網而回

俗又呼昂刺又呼曰回網魚俗名既象其形又得其性網不能取惟
罾可獲之又有大而色青者俗名牛尾昂味鮮肥肉極細膾亦貴重
可珍如以鱒爲大魚又能飛揚焉有許大之罾而鱒麗之哉鯪一名
鮪見爾雅郭注云今吹沙小魚孔疏引陸疏云魚狹而長常張口吹
沙故曰吹沙夫陸疏原有鯪似鯪魚一語而孔疏削去之孔氏蓋識
此魚形色不類鯪也通雅云鯪吹沙小魚黃皮黑斑正月先至身前
半闊而扁後方而狹陸氏以爲狹小非也夫鯪多出於山溪頭尾俱
圓未見前扁後方者此注不的也嚴氏詩緝引字指云鯪鯪屬異物
曰吹沙長三寸許背上有刺螫人蓋鯪爲魚之小者長半尺餘頭至
尾粗細略同兩目外凸厚肉細鱗黃白色有黑點文尾不岐冬蟄於
沙立夏後始出求食沙河中皆有背有刺不螫人並非異物其說皆
誤羅願又以鯪爲重脣魚脣厚如鼈夫重脣爲大魚大者至十餘
斤身長白鱗肉中有刺味亞於鯉脣似雙脣與鼈迥異與鯪尤不

類也然非上品魚俗呼曰沙籠輪魚

魴鱧

毛傳云鱧魴也鱧非上品魚處處皆有魴爲鱧花見汝墳鱧之別名亦不一鱧字亦各異爾雅釋魚云鱧大魴小者魴邢疏云此卽鱧也其大者名鱧小者名魴說文鱧作鱧亦注曰魴廣雅鱧作鱧本草作鱧注曰魴魚郭注爾雅亦曰鱧魴也是鱧別名魴諸家注釋皆同圖經又名黑鱧埤雅又名元鱧則以此魚色黑故名黑名元元亦黑色也陶氏本草注言鱧爲公蠣蛇所化性至難死猶有蛇性然此魚多居深澤大者二三十斤形長體圓黑色大鱧花文似蟒有鬚鬣尾頭上有七小孔如北斗星象亦有子生小魚不必盡屬蛇化也俗云鱧魚有毒然人亦常食之不甚甘鮮呼曰黑魚此魚陶云蛇化其頭似蛇鱧花亦近似力最大長至三四尺者一人不能提取俗呼曰黑魚棒言其能跳以尾擊人也詩緝謂鱧卽今之黑鯉魚蓋以名鱧又名

鱖鱖皆鯉之同音字故誤合爲一此詩下章有鯉不應犯複又不宜
鱖鯉異字也

鱖鯉

毛傳云鱖鮎也爾雅釋魚云鱖郭注云今額白魚此魚形容腹扁鱗
細白而有光如銀煥色頭尾向上長二三尺餘頗似東海之鱖南江
之鮎味極鮮美食品所珍關左東北諸大江皆有之史記周本紀武
王渡孟津白魚入舟卽鱖也爾雅鱖鮎連文本屬兩魚傳誤合之謂
鱖卽是鮎郭氏謂鮎名鯪江東呼之爲鱖與鱖爲非一物說文亦以
鱖爲鮎承訛久矣山陰陸氏云鱖魚黃魴魚青鱖魚黑鱖魚白鯪魚
赤鱖魚小魚魴鱖中魚鱖鯉大魚鱖魚長魚魴鱖則一方一圓鱖鯉
則一俯一仰鱖魚魴其性浮鱖鯉其性沈詩緝云此意謂五色之
備而大小長短浮沈之不同也然詩人言鱖魚魴鱖鯉不過如潛
頌有鱖有魴鱖鱖鯉多著魚名以見魚之多非謂止有此六魚也

此六魚一一爲說則潛六魚又皆有說乎鯨鯢大小猶有未定不必泥可也夫嚴氏僅駁陸氏配合六魚似失而不知其說亦多有難通者其言六魚之色何以遺鯨而魴魚色白亦不青也鱗有大至十餘斤者本非小魚鱧之大者長四五尺不得言中鱧之大不及鱧遠甚何以言大鯨性極沈鯉或浮水而行好作異說不求義理之安未見此六物者幾何不入於十里霧中邪是自誤兼誤人矣

南有嘉魚

毛傳云江漢之間魚所產也鄭箋云南方水中有善魚此皆言魚之嘉而未言嘉魚爲何魚蓋嘉魚一名鮓魚一名拙魚一名丙穴魚李氏本草云嘉美也杜甫詩魚知丙穴由來美是矣河陽呼爲鮓魚言味之美也蜀人呼爲拙魚言其性鈍也夫丙穴有二文選注云丙穴在漢中沔縣北丙地名也水經注云丙水出丙穴穴口向內故名魚常以三月出穴十月入穴任豫益州記云嘉魚蜀郡處處有之狀似

鯉而鱗細如鱗肉肥而美夔州志云嘉魚春社前出秋社後歸首有黑點長身細鱗肉白如玉味頗鹹食鹽泉故也范成大虞衡志云嘉魚狀如鮪而多脂味極美劉侗嶺表錄云蒼梧戎縣江水日出嘉魚似鱗而肥衆魚莫及王士正池北偶談云嘉魚出丙穴在漢中府桃花時則從穴出亦名鮪魚或名鮪爾雅曰鮪當鮪郭注云海魚似鮪而大鱗肥美多鯁今江東呼最大長三尺者曰當互此魚或言出於蜀或言出於楚或言出於秦或言出於江海則是所出之地不一或言似鯉或言似鮪或言似鮪則是所言之形狀不一惟王氏言其似鮪卽爾雅之鮪當鮪大鱗多鯁與海鮪相似海鮪今俗名火鱗魚又呼曰科鰒魚味甘而美可敵南江之鮪脂肥而鮮足埒北江之鯉稱之曰嘉不虛也其名曰鮪曰鮪曰當鮪則是實有此魚非言南有美魚泛泛無所指也

南有樛木甘瓠繫之

詩緝云瓠有甘有苦甘瓠則可食者也夫瓠爲菘屬古今皆以爲蔬
漢書食貨志云菜茹有畦瓜瓠果菘正字通云瓠瓜類分甘苦二種
甘者大苦者小陶氏云瓠或有苦者味如胆不可食非別生一種也
埤雅云長而瘦上曰瓠短項大腹曰匏瓠性甘匏性苦蓋匏老則皮
堅可以爲器而瓠雖至老其皮不堅此匏瓠二物之別匏形不一或
圓或扁或長項大腹或首末俱大而腰轉細瓠之形或長或短圓長
似方而無稜角如枕形三月間蔓長葉大五六月開白花實在花下
結實肥大嫩可烹食味甘而淡俗名瓠子凡瓜菘之屬蔓依於地則
結實少蔓附於空則結實多瓠纍樛木亦取實多之意古之瓜菘寄
於樹今則豎木爲架尤工於古瓠味不苦如遇天旱瓜之類或有苦
者此氣候所致非別有此一種也

翩翩者雌燕然來思

毛傳云雌壹宿之鳥鄭箋云壹宿者壹於所宿之木也蓋雌爲五鳩

之一古帝以鳥紀官離爲祝鳩氏也他鳩來去無定惟祝鳩四時常有不移其處故曰壹宿傳箋四牡之詩詁離性孝以興將父將母此詁離壹宿以興下文又燕嘉賓也

南山有臺北山有萊

毛傳云臺夫須也萊草也爾雅釋草云臺夫須又曰滿侯莎其實媞釐蔓華又曰拜蒨藿郭注云臺可以爲禦雨笠滿也者莎蒨媞者其實蔓華一名蒙華蒨藿亦似藜蓋臺卽莎草滿侯莎是言滿又名莎媞爲莎草實廣雅云地毛莎蒨也文選注云一名辰莎說文云滿侯也一名侯莎爾雅翼云莎莖葉似三稜根周匝多毛謂之香附子莎葉如韭而長光澤有劍脊稜五六月間葉中抽莖高二三尺餘莖端小葉叢聚開青花結細子莖三稜俗呼爲三稜草根入藥有香名而香味極微無芬芳氣也嚴氏詩緝云以莎草爲衣則謂之箋莎爲草名箋爲衣名莎草又可爲笠此草農人常取之織雨衣故小雅都人

士詩臺笠緇撮毛注謂臺所以禦暑笠所以禦雨鄭箋以爲都人之
士以臺草爲笠言笠爲臺草所織可禦暑又可禦雨傳則分言其用
究之爲一物也郭氏爾雅注謂笠卽雨衣之類然笠戴於首今俗呼
曰斗篷衣著於身今俗呼曰簑衣二物雖同用臺草織成其用則不
同也關左水澤之地多生莎草其根連續相附如棗核形兩頭尖采
者暴乾以充藥材名香附子羣芳譜云香附子莎草根也一名水莎
一名地毛一名水香稜一名地巴戟古謂之雀頭香萊卽藜又作釐
爾雅釐蔓華說文作萊蔓華徐鍇以釐萊爲同音字是也夫釐萊二
字古爲同音而亦通用劉向封事引詩貽我來牟作釐牟春秋隱公
十一年夏公會鄭伯于時來公羊傳作會于邠黎來萊同韻黎藜同
韻則是爾雅之釐卽說文之萊釐又作藜是萊爲藜草無疑也玉篇
云藜草也廣韻同詩曰田卒汙萊禮月令云藜莠蓬蒿並興欲識萊
者尋彼荒田中則得之陸疏云萊草名其葉可食今兗州人蒸以爲

茹謂之萊蒸則是萊爲可食之草春氣初暖萊草始生采嫩苗者淪之爲茹亦常有之但不養人食之久則體浮腫或小泄本草未言萊毒而食者無益則如此詩緝云萊草葉可食以上下類之皆指草木之名其義或當然矣不知此草處處皆有人人習見嚴氏注詩竟不能識又引朱氏說萊葉有香豈知此草性最寒滑無香氣哉李氏本草藜入菜部園圃廣有不種自生有青紫二種青者莖葉俱青莖微方似有稜葉似茄而薄小外有粗齒面綠背白似有灰七月開細青花結實簇簇如毬中有細子光黑如漆紫者莖有紫線文葉之背色亦紫老莖高七八尺餘可作牀棧及爲杖管幼安之藜牀山濤母之藜杖皆用紫萊之老梗也藜藜卽藜之紫色者一名拜邵氏爾雅正義云今灰藜莖有紅縷葉銳而青其背白如著沙羣芳譜云藜一名地膚一名落帚則是以俗之千頭草當藜也地膚不生於荒田枝葉上生秋老作帚爲農家必需之物而其形與萊毫不似也萊葉之背

有灰似沙用水洗下浣布最易潔白俗呼曰灰菜

南山有桑北山有楊

桑楊俱木名桑見定之方中楊見車鄰

南山有杞北山有李

曹氏曰杞梓杞也杞柳生澤畔不生於山而梓杞爲大木山中有之
陸疏云杞一名狗骨山材也其樹如檇理白而滑子爲木蠹可合藥
李木果名見何彼穠矣

南山有栲北山有柎

毛傳云栲山柎柎櫨也栲卽臭椿柎俗名紐筋子俱見山有樞

南山有枸北山有楨

毛傳云枸枳枸也楨鼠梓孔疏云枸釋木無文宋玉賦曰枳枸來巢
則枸木多枝而曲所以來巢也爾雅釋木云楨鼠梓郭注云楨屬也
今江東有鹿梓陸疏云枸山木一名枸骨木理白滑可爲函板子大

如指噉之甘美如飴江南特美謂之木蜜其木能令酒薄若以爲屋柱一室之內酒皆少味也枸一作根禮婦人之贊根棲脯脩棗栗疏云根卽白石李形如珊瑚味甘美李氏本草云枸骨樹如女貞肌理甚白葉長二三寸青翠而厚四時不凋夏開白花實如蕤荑子秋熟色緋紅皮薄味甘核有四瓣葉有五刺如貓之形俗呼爲貓兒刺說文云楸鼠梓木廣韻云鼠梓似山楸而黑陸疏亦言楸木理如楸山楸之異者一名苦楸溼時脆燥時堅此二木關左未見宋玉風賦楸枸作枳句六臣注云枳木名枳句言枳樹多勾似橘屈曲也考工記曰橘踰淮爲枳此言枳卽是橘踰淮而化不似陸疏所言木蜜之枸骨也楸爲鼠梓鼠李亦名鼠梓鼠李葉似梨而薄小子如黃柏子木白而堅實俗名臭李可食而澀亦非似楸之楸梓也

蓼彼蕭斯

毛傳云蕭蒿也卽今香蒿見采葛

在彼杞棘

杞枸杞見四牡棘酸棗見凱風

其桐其椅其實離離

桐椅大木皆有實見定之方中

菁菁者莪在彼中阿

毛傳云莪蘿蒿也爾雅釋草云莪蘿郭注云今莪蒿亦曰蘿蒿李氏本草云莪猶莪莪言莪蒿高於他蒿也陸疏云莪蒿也一名蘿生澤田漸洳之處葉似邪蒿而細科生三月中莖可生食又可蒸食香美頗似藁蒿夫莪在關左處處皆有葉似蕭而香不濃莖似蔚而皮不滑叢生高隰亦生山側莖冬不死高可五六尺餘詩言在阿在陵未嘗惟言在沚陸氏胡未之察也莪科高於衆蒿先百草生每叢凡數莖詩言菁菁者以喻當年養育人材如莪之盛

魚鼈膾鯉

爾雅釋魚云鼈三足爲能蓋鼈爲常物此特卽其異者釋之說文云鼈甲蟲也考工記注云外骨龜屬內骨鼈屬玉篇云鼈龜屬一名神守一名河伯從事坤雅云鼈以眼聽穹脊連脊水居陸生淮南子云鼈無耳而目不可瞥精於明也陸佃曰鶴影生鼈思生鼈伏於淵而卵剖於陵以思化也此物凡池澤江河皆有俗呼曰甲魚

薄言采芑

毛傳云芑菜也孔疏引陸璣疏云芑菜似苦菜莖青白色摘其葉白汁出肥可生食亦可蒸爲茹青州人謂之芑河西雁門芑尤美詩緝云芑嘉穀也李氏云毛以薄言采芑爲菜豐水有芑爲草維糜維芑爲穀王氏皆以爲穀補傳云新田畝中鄉不應指菜蓋以田畝善養嘉穀喻周家善養士卒也夫田中固宜有穀而田中亦自有芑芑言采則芑爲菜可知也是蓋言菜采於田隼集於地喻方叔習兵有法也芑爲茶屬疏言似苦菜芑與苦菜小異葉比苦菜肥大亦不似

苦菜細碎春貼地生秋從中抽莖高至二三尺開黃花似菊而小花乾結子如蘆花而遠飛田中廣有可以生食亦可熟食茶之秀在四月芑之秀在七月此芑與茶之別也芑名苦蕒菜俗訛爲曲麻菜

歛彼飛隼其飛戾天

毛傳云戾至也鄭箋云隼急疾之鳥也飛乃至天喻士卒勁勇能深攻入敵也蓋隼爲鷲鳥關左呼曰雀鷹埤雅云鷹搏噬不能無失惟隼爲有準故隼字從隼一名晨風隼之飛如風之疾故有風名一名鷲字從弋爲隼捉雀如弋之射秦詩云歛彼晨風大雅詩云鷲飛戾天曰歛曰戾天文義與此詩同是一物也隼又名負雀爾雅釋鳥云鷲負雀郭注云鷲也江東呼之爲鷲善捉雀因名云陸疏云隼鷲屬齊人謂之擊征或謂之題肩或謂之雀鷹春化爲布穀者是也易解卦上六云公用射隼于高墉之上疏云隼者貪殘之鳥鷲鷲之屬魯語仲尼在陳有隼集於陳侯之庭注云隼鷲鳥今之鷲也夫隼似蒼

鷹而小與鷓相類不似鷓鷯大而隼小隼圓目鉤喙黃足利爪其尾如舵背羽青灰色腹下白蒼斑文善高飛疾如射飢捕雀食每當春深雀鷹初至里人網設四面其中繫雀作圖給鷹來捕觸機網翻鷹覆網下捉而畜之以觀其捉雀爲戲其稚者名花鷹又名松兒老者名板鷹皆不知其命名之義而此鳥則常見之詩緝云隼鷓也鷓屬也蓋言隼爲鷓類則可而謂隼卽是鷓則非隼之類不一其名亦分類而異禽經云善搏者曰鷹竊立者曰鷓骨曰鷓隙曰鷓展曰鷓奪曰鷓鷓卽晨風鷓名鷓鷓鷹捉鳥以爪鷓擊鳥以翅鷓之猛厲尤捷於鷹鳥鷓之屬皆畏之隼非鷓嚴說誤也說文云隼祝鳩也祝鳩爲鷓卽斑鳩鳥之最謹愿者豈爲鷓鳥爾雅鷹隼醜祝鳩毫不似鷹也或以隼爲茅鷓茅鷓爲老鷓臬之屬其誤尤遠或曰隼鷓鳩也此因月令有鷹化爲鳩之文鷓鳩亦有鳩名故誤合之豈知隼有數名皆不名鳩而化鳩者正此鳥邪隼爲常有之鳥而諸家或曰鷓屬或曰

鷓屬或曰鷓或曰鷓或曰茅鷓或曰鷓鷓鷓鳥之類幾乎猜鷓非鷓鳥而許氏以之當隼尤足駭異此詩曰鷓曰戾天蓋求此物詳觀之何必爲此空測也布穀爲鷓鷓非隼所化隼所化者爲鷓鷓也陸說亦誤

獸之所同應鹿麋麋

毛傳云鹿牝曰應爾雅釋獸云鹿牝麋牝應是應卽鹿之牝者今牝鹿無角色黃無斑白點與牡鹿毛色異

發彼小豨豨此大兕

鄭箋云豨牝曰豨蓋野豨也見爾雅說文云兕如野牛青色其皮堅厚可制鎧李氏本草云犀字篆文象形其特名兕兕出西番南番滇南交州諸處有山兕水兕兕犀三種山兕居山林獲之尙易水兕出水中最爲難得俱有二角兕犀亦曰沙犀祇一角在頂文理細膩斑白分明其力最大不易獵取漢書平帝元始二年黃支國獻犀牛顏

師古注云犀狀如牛牛頭似猪而四足類象黑色一角當額前鼻上
又有一小角爾雅釋獸云兕似牛犀似豕郭注云兕一角青色重千
斤犀形似水牛豬頭大腹卑腳有三角一在頂上一在額上一在鼻
上鼻上者卽食角也小而不備好食棘亦有一角者夫李氏謂犀之
特者名兕犀兕似爲一物爾雅兕犀分釋則是犀爲二物此物出於
西南徼外北方藥材雖用犀角而未見此獸顏氏注漢書言犀狀似
水牛非水牛卽犀也犀兕相似非一類矣

鴻雁于飛肅肅其羽

詩中有單言雁者如雁雁鳴雁弋鳥與雁之類乃隴陽之鳥也又名
陽鳥書曰陽鳥攸居詩中有單言鴻者如鴻則離之鴻飛蓬蒿之類
此爲鴻鵠又名黃鵠形頗似鶴又名黃鶴與雁異若鴻雁連言則鴻
爲雁之大者毛傳云大曰鴻小曰雁如禮月令孟春季秋所言鴻雁
則鴻皆雁也亦有單言鴻而非鵠者如周易漸卦六言鴻漸鴻皆是

雁此不可以詩中之鴻例之

歛彼飛隼載飛載止

隼鷲鳥卽雀鷹見采芑

毛詩多識卷八終